

SAMOA

**TEUTEUGA O LE POLOAIGA TAU TAAVALE
FEOAI I ALA TETELE 2009**

E TUSA AI ma le fuaiupu 73 o le Tulafono o Taavale Feoai i Ala Tetele 1960, ua faia e le Pulega o Felauaiga i Luga o Ala Tetele faatasi ai ma le maliega a le Minisita o Galuega, Felauaiga ma Atinae Eseese poloaiga nei:

Faatulagaina o Aiaiga

1. Igoa ma le amataga
2. Tapulaa o le Saosaoa
3. Tu ma Taofi Taavale

1. Igoa ma le amataga-(1) E mafai ona taua lenei Poloaiga o Teuteuga o le Poloaiga tau Taavale Feoai i Ala Tetele 2009.

(2) E tatau ona amata faamamaluina lenei Poloaiga i le aso 24 o Aokuso 2009.

2. Tapulaa o le Saosaoa – Ua teuteuina le fuaiupu 3 o le Tulafono Faa-poloaiga o Taavale Feoai i Auala Tetele 1994 e faapea:

(a) mo le faafuaiupu (3), ia suia e faapea:

“(3) O le saosaoa o le taotoga o le auala o Le-Mafa e amata mai i le nuu o Falevao e oo atu i le auala e afe ai i Lotofaga agai i Sapoe ia gata mai i le 20 maila i le itula.”;

(b) mo le faafuaiupu (5), ia suia e faapea:

“(5) O le saosaoa o le taotoga o le auala mai le mea e afe ai mai le ala tele i Salelologa seia oo atu i le Uafu i Salelologa i Savaii ia gata mai i le 20 maila i le itula.”; ma

(c) mo le faafuaiupu (7), ia suia e faapea:

“(7) O le saosaoa o so o se loli o lo o aveina so o se uta e sili atu i le tolu (3) tone ia gata mai i le 25 maila i le itula i luga o so o se auala e le o faamamalu ai le tapulaa o le saosaoa.”.

3. Tu ma Taofi Taavale-(1) I le aso 7 o Setema 2009, o ave taavale taitasi uma o so o se taavale afi i le va o le 10 minute i le itula e 6 i le taeao ma le 10 minute e te’a ai le itula e 6 i le taeao, e tatau ona tu ma taofi le taavale i so o se nofoaga i totonu o Samoa, i le toe 10 minute ona ta lea o le itula e 6 i le taeao ia suia mai i le itu taumatau i le itu tauagavale o le auala, ona toe tu ma taofi foi lea o le taavale mo le isi 10 minute a o le i aveina le taavale i le itu tauagavale o le auala.

(2) O le Tu ma Taofi Taavale e lē aafia ai ave taavale o taavale afi mo tinei mu, falemai ma leoleo pe afai o le usitaia o lenei Poloaiga o le a avea lea ma mea e faalavelave ai le faaaogāina mo ia faamoemoega.

(3) O le Tu ma Taofi Taavale o le a lē aafia ai foi le ave taavale o se taavale ua faatagaina e le Ofisa Sili o Pulega o le Pulega o Felauaiga i Luga o Ala Tetele e faaaogā mo so o se faamoemoe tau pulega o taavale afi i le taimi o le Tu ma Taofi Taavale.

FAIA i Apia i lenei aso 20 o Aokuso 2009.

sainia:

Hon Tuisugaletaua Sofara Aveau
(TAITAIFONO)

Tavita Eteuati
(SUI AUI)

Vaaelua Nofo Vaaelua
(SUI AUI)

Leasi Galuvao
(SUI AUI)

Papalii Lorenese Neru
(SUI AUI)

Tu'u'u Mautofiga
(SUI AUI)

Malaeulu Lose Niumata
(SUI AUI)

Aiono Afaese
(SUI AUI)

Ua tuuina atu lau maliega i le faia o le Poloaiga i luga.

(Hon TUISUGALETAUA Sofara Aveau)
**MINISITA O GALUEGA, FELAUAI
MA ATINAE ESEESE**

**Tuuina atu i lalo o le pule faataga a le Tulafono o Tulafono
Faatonutonu 1953.**

Aso e amata faamamaluina ai: 24 Aokuso 2009

Faasilasilaga: Samoa Observer: 19 Aokuso 2009

**O nei Tulafono Faatonutonu o lo o faafoeina e le Matagaluega o
Galuega, Felauaiga ma Atinae Eseese.**

**O ata o nei Tulafono Faatonutonu o lo o mafai ona faatauina atu,
mai le Ofisa o le Failautusi o le Fono Aoaofaitulafono.**

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**